

迦陵詞全集

迦陵詞全集卷十五

宜興陳維崧其年著

江都宗元鼎定九

弟 維岳緯雲
宗石子萬 參閱

新城王士禛阮亭

崑山徐乾學健庵 選

男履端 校

宣城梅 庚耦長

姪賜薛 校

八節長歡

乙巳元日

淑景驚催畫梁日影蚤
漾粧臺瞳眈金母帳
漱澗玉人杯
宜春帖子簪花格
漸闌中珠網爭開
多少屏搖翠栢勝
殿紅梅
長安車騎朝正青
絲轡火城影裏初
回宮闕暖祥
雲嬉遊罷誰憐江
左鄒枚休侶悵喜
吳娘已醺春酩
屈指

又試燈挑菜且拾遺釵

元日後二日積雨新晴偕大鴻雲臣散步城南望
銅官一帶翠色眷戀久之不克游南嶽而返

竟欲成村似曾着雨第五橋邊盈盈臨水寺脉脉弄晴天
溪痕入畫年光惹醉繞城荻市茶船最好雛春乍霽帽側
襟偏 群峯一笑嫣然高低影數行秀鬢堪憐揚袂倚風
前凝薄志迎人却又遷延惱何事未斜陽客子將還終有
日櫻鞋笏屐細續前緣

卓牌兒

夏日咏閨人鬪葉子

遙窺兩重門群掩映凝烟碧幌已字榻底憑肩語笑冰紋
廊後舞鬟沉想風流小南唐金葉子描鸞小樣斑几滑筠

玲瓏蠟箋纖脆輕盈打來偏響
七紅四賞更花戳京城
新創蘭閨似掌儼楚漢情狀
贏得簾西紅鸚鵡也隔屏山
注望私語笑粉裝鄧頂

聯吟爲閨牛叟賦

牛叟兌閨遺教曰余填詞成妻恒爲解頤偶製杏花天三闋妻

索書素帕出入懷袖中

誰填杏花天却滿幅春愁無賴鳳紙正疊狸毫乍弄籠鸚
報道娘來簾外新詞訝輕狂一半是狂奴故態幾徧繞柱
循廊一回暗想胡猜感他蛾黛
頰容旋解畢竟是清新
堪愛烏絲小楷要麝墨親灑今日營齋營葬訖石竹羅裙
早壞裙帶字斜行還在

天香

中元感舊

夾路旛竿盈城堦。分明元夜燈市。露濕巫簫秋生。賽鼓頭上月輪初霽。金波漱灩。還瀉做萬家紅淚。天與玉容爭。淡烟飄粉裙偏麗。許多流鶯聲細。似啼猿楚峽。嘹唳只。有小墳新塚。誰修薄祭。空伴唐陵漢寢。都一樣。淒涼野田裡。黃土鴉鳴白楊風起。

咏桂

靈隱門前番禺城。裡秋花一種清絕。碧海冷冷金風陣陣。壓下數堆黃雪。山齋湖舫。說不盡幽芬清冽。金粟一番開。謝冰輪幾回圓缺。曾經託根瑶闕。幾曾美人間。風月相伴蟾孤兔。冷羿妃偷折。自與廣寒輕別。記不起霓裳舊時。闌帶恨。纔開和愁細結。

龍涎香

萬斛蛟螭千堆蜃沫沉沉碧海今夜洲蛾倚殿貴主還宮
新擣都梁無價金盆煎處趁月裡桂華初謝濃染鮫人齒
淚小視馮彝冰帕天風彩鸞斜跨杜蘭香水邊閒話幾
徧龍堂游戲蓬萊乾也多少望陵愁夢空剩得分香雀臺
瓦散與人間闔他檀麝

漢宮春

送郝元公先生之任宛陵

先生梁溪廣文視家
吾邑今陞寧國府授

秋色佳哉剪綠帆半幅與鴈同飛船頭新暘似雪津樹霏
微後堂絲竹記頻年屢解談圍真豪邁傳經劉向肯言心
事終違此去雲山萬疊近天門牛渚采石璣磯今朝臨
風釀酒往事都非江聲千尺推蓬望吟遍斜暉偏相羨敬
亭山色朝朝得上君衣

送子萬第入都次梁棠村先生送舍弟南歸原韻
此際東吳正黃菊離披紫蟹郭索作裝底急使我傷於哀
樂西堂夜話筭曾經幾番晦朔又來朝河橋判袂匆匆弟
酬兄昨 昔日揚烏項橐須臾吾已老鳳飄飄泊烏衣門
巷變做荳花籬落半生牧豕問何年離蔬釋屨喜予季來
春花煖休恨一官祿薄

附梁棠村先生原倡

雪霽燕關有吳客將歸越吟蕭索池塘草色夢入君家
康樂偶然杖策逐寒烟壯遊河朔向市中狗屠擊筑相
看燼頭酬酢 千里春風垂橐囊秦川公子梁園棲泊
長門價賤誰識臨邛搖落仲宣惟賴賦登樓仗憑春屨
且作達狂歌對酒莫問人情雲薄

附史遷庵和韵

楓冷江寒嘆雪浪奔鯨霜簷啁鵲蒲帆北渡士雅英風
如昨睥睨淮泗轅青齊醉吟河嶽宿日弄鞭梢未肯輸
人掀髯天廓何須酒錢名橐只干霄綵筆鄒枚氣索
風嘶騁馱笑指黃金臺閣長揚賦奏駭公卿間鐘長樂
天平倚司空耳語識取芙蓉藏鏤

附徐竹逸和韵

最愛元方是名士風流胸羅丘索交同皮陸對擲詩筒
相樂更欣難弟氣如虹嘲楊戲朔廿載梁園愁旅食今
幸家園酬酢休恨歸來空橐但連床夜話強於飄泊
頃篴迭奏碧玉盤中珠落酒酣慷慨舞吳鉤笑拋殘曆
且暫息敝廬風雨郭外先疇原薄

附緯雲弟和韵

二十年來嘆景物故園依然蕭索凭欄把手聊復行歌
相樂無何烏榜喚將離孟冬月朔書溪邊紛鋪黃葉冷
鴈寒雲酬酢休悵敝裘虛橐一枝如可借鷓鴣暫泊
松廳花署也勝青氈拓落得閒載酒印床開漫携雙屨
待他日重尋舊隱桂樹共披幽薄

附子萬弟和韵

丁巳十月四日弟自毫村復返商丘將入都謁選與余話別作此

鷓鴣首浦帆看兩岸蕭蕭千林索索半生懷抱大抵哀冬
於樂塤麓纔和早又是兄南弟朔嘆萍踪歸來何日再
到故園酬酢莫問此番行橐且狂歌起舞不妨飄泊
白屋公卿休晒謝家中落富貴浮雲且還我青山苾屨
銜杯笑紛紛頃領何限眼中輕薄

贈梁蒼巖先生次先生贈子萬舍弟原韻

絲髮勲名響上相
鞞刀風生鈴索籌邊多暇細馬潛游平
樂神仙富貴總兼之
笑他飢朔擘詞頭錦牋十樣朝朝翠
酬紅酢 前歲粵裴陸橐正花洋珠海樓船停泊蠻天紅
豆爭向句中飛落
先生粵東集詩詞最工 獨憐愁客老泥塗蹉跎
屬幸當世有公知我莫管五陵輕薄

立春後一日雨雪從友人齋頭醉歸紀事

婉婉熙春有北隣
藥玉計日安排昨朝新做綵勝絲剪紅
裁幾絲酥雨釀濃陰
膩透銅街今朝又騰騰微雪輕盈撲
上人釵 便擬放顛衝酒要粉搯歌袖玉濺吟
慙最喜銀
斐世界白佔樓臺春泥沒屐怪枯筇難穩
芒鞋高樓上
爲笑我劉伶醉倒須埋

春夜聽盲女彈琵琶詞

滿院梅風捲一鉤纖月糝上簾
鬚檀槽有人慢撚盤瀉珍
珠瑟瑟書鼓似開元妙手花奴
奇哉技飛揚感激勝於讀
史遷書 太息東籬實甫有無窮
碗墨墨染烟驅一聲通
仙鐵笛碧海雲孤青衫濕透問
伊憐旁有人無還相調輕
雲蔽月今宵渺渺愁余

雨中花慢

雨中過蓮庵先生宅看紅梅

白傅堂前裴相庭中一株濃艷
垂垂恰拖將輕雨軀盡腰
肢絨索猩唇唾後淚珠鵲舌凝
時似厭厭宿酒慣趁朝粧
來暈春肌 嫣然一笑悄無人處
倚欄心事誰知亟倩舊
衫籠著絳袖盛之帶雪三分粉
綻愁陰一朶紅欲遠須尋

南耕齋中食鱗魚作

汝魚乎汝旣弄潮來何如趁潮歸却波濤堆裡橙齏香處
自許輕肥千古斷磯黃鵠不了是和非貪聽漁翁笛悞觸
危機 謝汝崎嶇萬里把浪花舞破來慰晨饑問途經西
塞果否颺旌旗幸團圞故園兄弟况小窗雨後漾晴暉浮
生樂無如斫鱸安用呼豨

寄宛陵沈方鄭兼懷梅耦長

記西風握手秣陵隈苦語勸君歸歎尉佗城下小姑山口
風景全非方鄭久客西江東粵何事年年作客牢落寸心違且與王
章婦對泣牛衣 謝爾吾言竟用果幡然歸葺雲壑烟扉
更梅郎健在酬和未應稀只矜行盡溪野老况今年烽火
鴈難飛關情甚敬亭栗罈石白魚肥

客有言西江近事者感而賦此

說西江近事最消魂啼斷竹林猿歎灌嬰城下章江門外
玉碎珠殘爭擁紅粧北去何日遂生還寂寞詞人句南浦
西山誰向長生宮殿對君王試鼓別鵠離鸞怕未終此
曲先已慘天顏只小姑端然未去伴彭郎烟水月明間終
古是銀濤雪浪霧鬢風鬟

丙辰夏月遠庵先生游廣陵諸同人以先生昨歲
七袞補作詩書奉贈初秋歸里持以示予遂於
卷尾亦題一章

怡秋江嫋嫋碧於烟先生峭帆歸有錦暉磨燈芙蓉養紙
荳蔻緘題更愛寫生妙手烘染自蛾眉花月揚州路猶未
全非曾唱千秋歲引向春燈挂處蒲汎玻璃羨銅仙鶴

髮今古似公稀，偶重經玉人橋上惹。群真爭譜鷓鴣詞，開
披賞，尊綵正熟菰米剛肥。

夏初臨

本意

麥浪接晴槐，陰擱雨小樓無限思量。九十韶華誰憐歸去，
堂堂屏山做盡瀟湘。淅淅波玉剪飛忙。此時天氣，今年情
緒大抵悵悵。天涯羈旅，煞甚淒涼，慣推中酒怕說思鄉。
江東故苑正逢櫻筍時光，何日吳裝傍柳，綿小泊斜陽倚
蟲娘。一春愁病說與端詳。

本意

癸丑三月十九日
用明楊孟載韵

中酒心情拆綿時節，鶯鶯剛送春歸。一畝池塘綠陰濃，
簾衣柳花攪亂晴暉。更畫梁玉剪交飛，販茶船重挑筍人。

忙山市成圍 驀然却想三十年前銅駝恨積金谷人稀
剗殘竹粉舊愁寫牆闌西惆悵移時鎮無聊拍損薔薇許
誰知細柳新蒲都付鶻啼

杜鵑花同雲臣賦

昨夜枝頭問誰啼血灑來併入花叢縱使春歸也須偷注
殷紅爲伊細數行踪記鄉關棧閣千重曾隨花蕊葭萌驛
前一路飄蓬 淡烟粉水斜月綿州華陽士女蜀國絲桐
便爲花鳥魂猶戀此安窮欲拜低頭最憐他姓氏相同莫
愁濃溪山此間不異新豐

杜鵑爲川中花而吾
邑亦有蜀山故云

雨泊泚練

柳盡籠橋睂多界浦片帆閃碎波光鷗浪堆中笛聲散入
微茫落花時候鳴榔笑泚來雪練何長沙禽野鳴啼晴曉

陰飛觸船窗 颯焉風作倏爾溪昏盤渦滯汨紫鳳騰驤
濤奔萬馬依稀屋瓦昆陽且泊輕航貫香醪暫潄愁腸漸
昏黃烟潭水樓盡點銀釭

立夏日雨中作

乍過花時纔逢笋候碧窗春去無蹤似別情人河橋愁盼
征蓬打梅摘豆俱慵正漫天絲雨濛濛夢迴酒醒巡簷倚
闌離緒重重 一塲惆悵半榻曹薦暫携溪老閒訊漁翁
落花天氣從君脫帽江東綠滿長空笑幾番漢苑秦宮暗
簾櫳玫瑰成陰漸逗薰風

夢芙蓉

寒月

倍覺姮娥寡奈金波早凍素光空瀉此時帝里六館并三

瓦撻爐圍粉帕，疇憐夜景如畫。讓碧空中只一丸，獨自冷
向鳳樓挂。除是賀蘭山下，老將營門看得分明也。清輝
縱好，此外誰知者？長宵更鼓打兔華，莫也生怕且待新春
點紅燈萬盞，照着鬧娥耍。

月邊嬌

已未長安元夕

元夜年時記水榭狂游，驛橋閒趁梅梢。月上樓簷燈挂，媚
蝶鬧蛾成陣。春泥鬆軟，鏤十里鳳城鞋印。小門殘火見多
少澹粧輕粉。如今獨客京華，料還怪我歸期難准。金錢
浪擲紫姑盞，卜長自盼人書信。晚寒偏嫩，悄地向冰蟾低
問清輝，何苦照一宵潘鬢。

醉蓬萊

積雪爲橋和雲臣作

借連宵積雪戲作銀橋橫眠街路却也玲瓏現雕闌綉柱
駕此何爲從來官道有瞿塘灩澦笑倒春城往來車馬紛
紜士女 追想當年秦皇漢帝鞭石爲梁霓旌西去萬里
龍鼉歎紅顏難駐老子神通偶然游戲學填河鵲羽今夜
橋成看余矯首共安期語

感遇二首

向斜陽紅處長歌砍地忽然悲嘯繞爛樵柯又塵生瑤島
一片江山千村蘆荻剩幾人屠釣擬抱冰絃夜深彈向黃
陵古廟 且約酒徒閒過伎館擲帽狂呼繞床大叫坐上
何人識袁家彥道歷歷神州茫茫解宇問誰爲劉表感慨
登臨月明烏鵲南枝絕少

把數行青史讀向床頭仰天孤嘯可惜桃花又落來瓊島
誰是誰非礮溪嚴瀨千古同垂釣准放狂顛行歌亂冢醉
眠叢廟曠野蒼茫曉山重叠紅日將生海天鷄叫殘夢
驚回悵華胥古道一片旌旗三更鼓角怕吹來江表且向
壚邊問他春甕酒存多少

碧山莊看杜鵑秦以新太翁畱飲花下有懷對巖

檢討

折一枝笑問也把鵑呼爾何愁苦綠暗園林點深紅千樹
但到花間休論身外有酒何妨住况是今朝絃管鶯啼池
亭燕乳停杯忽憶故人千里鄂渚牙幢武昌樓櫓萬一
思鄉寫斷腸佳句那得憑闌將花做鳥向楚天低處黃鶴
樓前殷勤爲我叫他歸去

虎丘月夜見有貴官呵止游人者戲填此詞

正歌場匝地舞榭臨風碧天如畫官自何來拖麟彩艾綬
從事喧騰郎君貴倨禁遊童趨走千載吳山一塲秋興月
偏花倦黃鶴飛仙玉清謫吏偶趁風光閒來林藪見此
塵容展軒渠笑口七貴貂蟬五湖烟水問誰堪長久且掣
青萍化爲鐵笛作狂龍吼

戊午人日爲曹曹溪廣文壽

喜新年七日蕙雪微融梅風纔轉百福釵旖旎蓬萊家宴
碧奈花前絳桃樹底簇舞衫歌扇節候粘鷄門風繡虎六
街傳徧回憶生平當時講舍泥瀆雲遮泖湖天遠一笑
抽簪赴閒身猶健蘭茁皆昇鯉趨庭切縱封侯誰換勝裡
春人玉鉉遙指向先生勸

玉簫涼

夏景

杉驛烟鄉正。屏掩楚峯簾滑。吳江得風。篴欲笑。就食鳥相。
忘鱸魚美。似北固。四十九。入手先香。晚飯罷。覓閒僧話。暑
老樹賒涼。吳裝白蓮。着粉紅。藕放花。野鳥暗觸。船窗風
燈零亂。極漸暝。色微茫。波上已逗。素月問賣酒。甚處陽昌。
吾醉矣。擬夜游瓊島雲廂。

已未長安七夕

太液荷香。悵良夜。今秋仍臥他鄉。輸他天上景。又填鵲成
梁。一從上苑入。直金魚珮。誰放疎狂。瓜果讌奈。庾樓高處。
風露偏涼。秋光舊家節物。往日心情。贏得無限思量。一
鈎眉樣。月記曾照。幽窗粉雲。此夜千里。盼不到。小院疎廊。

釀

銀漢底料有人和淚凝粧

黃鵬進碧樹

冬夜觀劇感舊

煥館風簾軟紅槽榨酒冬宵溫煦爭琶狎譙是延秋雜爨
華清全部一聲入破乍催醒庭花無數幕提起年少疎狂
踪跡許多情緒記得江南燕乳杏花村綠楊纔絮恁時
節慣量珠買笑醺錦酬舞落拓半生好夢風和雨都吹去
可憐白髮重經酒旗戲鼓

慶清朝慢

儋園卽景

國係玉峯徐健庵太史新築

正復淡施居然蕭遠此中位置殊難主人畧施烟墨已就
林巒幾尺紅泥墻子被風吹亂月同彎花深處玲瓏金粉

一半纔乾 碧一隊黃一隊
皴染得亭榭在水雲間
朱欄綠莎廳好映帶潺湲
盡日淒波花鴨參差睡破
簾紋閒登樓望斜陽士女
又滿春山

西子粧慢

四月朔日同吳天篆過通真觀王鍊師道院看牡丹卽用天篆昨歲雨中看花韻

紫府玲瓏丹房窈窕長就枝頭嬌嫋看花人逐蝶蜂忙
隔花試尋遊侶蘸堦側去露幾朵檀痕淺注美盈盈比人間
金谷更饒幽趣 花如語低撼金鈴小向暮春訴紅顏最
怕落花風乞鍊師爲花重鑄師還念取劉郎鬢已經如許
待來春玄都觀又成前度

長亭怨慢

春雨

小樓外絲絲縷縷也似樓頭箇儂情緒攪帳縈簾惹人愁
恨甚時住夜香籠袖粧纔罷天還暮擬綰多鴛笙亦爲
春寒鳳嘴偏努小屏風幾疊瞥見重重南浦因思江上
筭今夜有人羈旅縱有日賒到春晴時不得腮邊紅雨怎
能勾梨花門掩雙雙笑語

春晴和京少回用前韻

正帶夢流鶯碎語似訴簾間已收宿雨此日墻頭花枝定
是招行旅風光何處總在斜橋極浦看纔過收燈却又是
林邊春筍將努倚簾曾暗許錦鱗來太遲暮連朝春困
渾欲倩東風扶住便從此炙杏烘桃怕難熨兩眉愁緒凭
闌久斜陽紅斂漸沉霞縷

送曹二隱還郡

記昨日西風吹汝送到荆南斜橋極浦船泊家門水窗開
在晚涼處與君兄弟連夜作銷魂語語罷起而歌一曲小
秦王爲回鶻舞歎人生易散記囑分携休遽如何人說
竟私買小舟歸去吟不盡故國秋光聽不得天涯戰鼓怕
來夕郡樓高望閒愁無數

夏日吳門道中寄內

記睡醒紗巾輕墮又促移床樹陰中臥院悄人稀舉頭閒
數碧星顆井華浴簾漸月映中門鎖喚綠茗盈盈恰一縷
紅生廊火幾朵是纔閑茉莉小傍亭衫斜軀抽書賭背
總排定夜分幽課弄不了菱粉菱絲寫難盡偷聲入破惹
萬種思量元从烟棹風舸

此闕真春雨各調詞句不同因原本繫長亭短慢姑白之

途次潤州水灘舟膠東何雍南

自買得霜蓬風舸難辦乘潮秋衾夢妥詎信連朝水窗還
泊蒜山左愁多於水水却似真珠顆縱使似真珠儘也有
啼珠添上些箇故人江閣望城外層層烟鎖千帆載恨
誰料是此間有我知甚日丁卯橋西隨江鳥片時飛過枉
費盡千槳柁鼓一行橋火

迦陵詞全集卷十五終

迎陵詞全集卷十六 詞

宜興陳維崧其年著

溧陽史 夔胄司

維岳緯雲
宗石子萬
參閱

長洲尤 侗悔庵

江都吳 綺蘭次選

男履端校

桐城弟堂謀大匡

姪賜薛

瑤臺第一層

秦園月夜聽泉聲用藝香詞韻

月影水痕都化碧如游不夜城
恰驚飛澗陡然劈峽濺沫
難平陰森鱗鬣還似玉龍怒吼
峻嶒真幽絕添幾聲鐵笛
一點茅亭憑陵狂歌一曲夜深
難得此空青姮娥未睡
馮嬖欲舞官殿俱晴乘風吾欲去
但神仙何必東瀛洗銀

龍笑醉看瀑布認作霜藤

黃河清慢

清江浦渡黃河

蒼莽河聲衝古驛黃沙濁浪同色斜日誰來問渡江南狂
客醉倚柁樓吹笛初入破魚龍悲咽古今多少英豪最堪
笑南奔袁術幾時瓠子功成歎薪樵空勞宣房難塞長
嘯憂時自把寶刀閑拍且任短篷掀舞不須怨中原蕭瑟
城名下相極望處暮烟殘荻

倦尋芳

早春偶過農部伯父廢園感賦

敗屋東頭偶然行散十分情重滿地苔錢雨榭烟廊都空
蘸水燕雛吻故掠蔭街絲柳風偏弄傷情處是舊家年少

登山一慟記當日孝標姊妹僧綽兒郎嬉遊曾共多少
春衫斜著金轡閒控一自攀髯人去早江南鶯燕成何用
據此生繡戶珠簾付之一夢

竹逸堂紫牡丹一樹戊申年曾一見之纔一二朶
耳今年花放竹逸復邀同人過賞而濃香紫艷
已滿畫闌矣感而賦之

畫堂左側綉檻東偏朶朶輕俊歐碧姚黃總是讓他風韻
紫府家鄉原不遠紅樓伴侶休相混記當時恰一枝初顫
便曾廝認詎料是六年一別今日人歸倍添春暈滿院
濃香砌就閒愁成陣雨後喜看嬌態足朝來怕見殘粧褪
這情懷沉醉醒時細將花問

月下笛

本意

今夕何年滿天皓魄一輪圓碧露橋水驛誰向風前竇笛
趁關山河漢夜涼故將鳳竹悽倦客正寒潭峭岸離鄉年
少凭江船側當初曾記趁寒食梨花醉平陽宅念奴嬌
簞碎把畫梁塵劈到如今漂流路岐西風落葉無相識月
生煙生怕鐵龍歸海何處覓

孤鶯

賦得石亭梅花落如雪

昨來時節記花倚晴闌牽衣話別生怕重逢未必有花堪
折如今小樓仍上果隔林盡情飄瞥亂捲一天晴絮映水
半明滅正春陰暗把碧空駢似愁靚粉娥臨去淒咽誰
唱陽關曲似數聲啼鴉日斜游踪欲散倩春衫蘸些香雪

圖得盈盈歸晚有惜花人說

三部樂

題王珣湖新詩卷首次田髯淵韻

滿幅清新好譜上香絃恨無纖手珊瑚七尺石尉筵前儘
有憶天上幾度花開悔玉清輕別鳳儕鸞偶短拍長謠迸
碎鯨盤珠走御河連宵秋雨換十畝殘荷一灣疎柳潛
來擬笛宮牆月明感舊墨蹟離奇似斗半倒薤半成急就
餘興淋漓拚沈徧舞巾歌袖

長亭怨

送徐郿伯還西泠倚玉田詞韻同桐初京少戢山

次山賦

此開與十五卷內吳門寄內詞句同後半闕多一字原本繫長亭怨故仍之

有牆外紫丁香樹簌影鈎簾牽畱數數可記年時鳳城燈

市夜遊否黃金臺古招手喚燕昭其語霎地秋來便去也
匆匆如許 雖去暫盟鷗狎鷺奈肝膽酒邊還露烹羔酌
苦歸及見江潮堆絮看萬陣犀弩張時正百丈銀瀧喧處
意氣儘昂藏肯只鳴榔漁浦

應天長

紅友約余輩重游石亭以陰雨辭之不允復偕雲
臣竹逸放庵上人飲高士吳具茨墓下落梅盈
把游情甚適詞以紀之

寺橋閣雨山館弄陰重游向時陂澤聯袂行歌依舊名僧
與詞客花妨帽泥印屐便濕了春衫奚惜疎圃外映水一
枝舊曾相識 對景且疎狂莫負紅餅湫瀨傾春碧不見
樽前無數飢鴉作寒食庾家墓王氏宅

具茨就宅
爲墓故云 慘一片

落英堆積怕來歲載酒城南又是陳蹟

揚州慢

送蘧庵先生之廣陵并示宗定九孫無言汪蛟門

舟次諸子

十里珠簾半城書艇百年花月維揚有君家丞相梅嶺舊
祠堂每年到清明賽社傾城士女愁弄絲簧只無情堤柳
舞腰還鬪官粧扁舟上冢聽隣船重話興亡奈石馬嘶
風銀蠶弔月往蹟全荒我亦當年薄倖曾吹過一帽紅香
問桃花認否風前前度劉郎

珍珠簾

咏雪珠

瑶妃爭取明珠揀誤觸金盤傾瀉萬顆玉勾圓向小墀拋

打淅淅冷冷敲不了似聞苑梨花都謝寒乍迸零釵碎珮
跳偏鴛瓦漸覺暗入瓊肌做紅酥細粟不禁春夜鄰女
慣嬌愁戲掬來盈把萬斛鮫帝盛不定只逗入玉娥簾下
輕灑怕一色難尋粉裙綃袂

題宋牧仲楓香詞次曹實庵韻

當時紅杏尙書句宋玉今朝風賦螢火柳綿詞鬪陽阿激
楚牧仲咏螢咏絮
二詞尤爲絕調五色蠻箋螺子墨渲染微雲疎雨淒
苦滿歌坊粉壁舞巾紈素一曲減字偷聲聽小屏風後
玉簫潛度低轉隔林鶯碎一庭花露鷓鴣又碧關山調似
萬馬憑秋而怒相訴我中年以後冰弦怕鼓

月華清

讀芙蓉齋集有懷宗子梅岑并憶廣陵舊游

綺陌^①上日妖冶彌望玉樓金埒正挑菜年光漸裙時
節陣陣內家車子萊綃幃吹亂千堆雪無人處悄把春纖
小擗都無分別 絡繹^②香塵鋪玉席總向子城斜處女
墻^③轉^④惹人憐惜此際春心愁絕愁九十春光如過隙那
堪輕^⑤暖輕寒朝來想作寒食

醉後排悶作

長此安窮定復不急世事紛紛虎鼠笑狐盡帶鈴荷偏成
柱終日屋梁仰面便著書萬卷誰憐汝休自喜當日馬中
赤兔人中呂布 無補莫相疑徒自苦今日一錢不值李
蔡下中曾何足數且作槃中快舞更單絃岑牟^①禰生鼓戲
問君得哀梨定當蒸食與否^②

^叶府

燕山亭

和韻送魏禹平同京少藪山次山賦

爲送人行馬上遠山也把晴蛾淡掃惜別情悵中酒心期
自己殊難分曉一路相隨總輸與道旁春草來早怕夢裡
花多意中人少計日迤邐吳關和燕子楊花一群齊到
翠蓬推處白舫搖時兩岸露桃紅小半幅蒲帆渾疑是掠
波沙鳥尤好京口驛紫魚上了

催雪

秋日過城南顯親寺

潭北新秋城南古寺亂壑喧沍激瀨愛虎落三間漁蠻一
帶林際紺殿銀牆綉經幡風定天花灑時來樵語遙粘僧
磬暗添幽籟門外愁如海有野蔓荒榛叢祠破冢閃石
竹羅裙多年色壞砌就蒼涼景色到路黑燈青啼百怪只

靜侶掩住禪關日看國山翠黛

大有

春閨和片玉詞

亞字墻邊棟花風大小樓中簾捲人瘦滿園林參差綠草
誰闌屏山水鳥背人數也何曾愛單嫌偶惱恨柳色空濛
和烟鎖畫欄口燈前懺花底兒小鴨戀紅衾清清坐守
好夢瞢騰愁到醒時依舊自謝了丁香後受無限蜂歸蝶
悠十年事疑想如無閒思恰有

新鴈過粧樓

虎丘感舊

紺殿雕軒千人石夜深曾記同遊一天皓月和烟卷住長
洲誰奏定風波一曲玉簪輕卸節奏謳蘿霜毫題名偏向

青粉牆頭 重來葺苔餌遍更風吹雨打往事都休迴廊
拆盡數行難覓銀鈎池邊重窺絕壑只老樹斜眠壓酒樓
迴船好趣笛聲未繫歸伴沙鷗

再咏糊窗

幾扇疎櫺玲瓏處檀箋粉繭糊成夜來微雪掩映更覺晶
瑩做就貯愁函夢地生疎踏月撈花情恁遮藏偏被嚴鷺
送到殘更 生平蠶鹽井臼記欣然同聽敗紙齊鳴今番
煥館無奈一倍淒清無聊拈毫弄墨倩小字斜行春蚓縈
閒題詠把雪窗浣徧何用通明

圍爐

金陵泉
署作

昨夢倫歸闌干外雪花吹滿簾衣門庭蕭寂綠窗景未全
非桴杅乍紅茶半熟山妻繞膝小牢之

謂前
甥

劇喧闐競誇

狂客江畔歸期 檻前小梅映水被誰彈香粉淺着橫枝
佛燈雛鼓想應歲序旋移景陽鐘聲暗動又官燭更深欲
滅時遽然醒笑紅爐縱好却不成圍

丁香結

咏竹菇

竹菇竹間草也小如錢色如胭脂雨後叢生離離可愛惟陽羨山中有之他處所無

碎錦成斑餘霞弄點小圓胭脂隱隱正叢篁揺粉桃花慙
偷把烟梢扶襯竹郎門第如年小卵酒添暈瀟湘二女
去遠積下啼紅盈寸 淹潤被雨後鶯啼喚出滿林芳嫩
櫻筍年光飭簫節候做他輕俊小巷筠籃捉入帶笑爭相
認似開元錢樣一縷嬌痕巧印

瑣窗寒

昔年樓上

此地當年蕭娘粧閣綠窗幽靚傷春情思正日煖人微病
撚花枝悄近羅衣睂峯送語烟難定掩屏風六幅看他綰
額安黃端正 那更人別後冷落舊粧樓溫家玉鏡無端
又上銀蒜零星還剩只從前簫局桃笙看來不似今朝景
便化爲玉剪重來還認紅香徑

初春和雲臣韻

雪灑紅窗雨敲碧瓦曉寒偏緊鶯簧生澁不似舊時淹潤
記前春城南水邊內家車子綃成陣只新年節候連陰做
暝悞他花信 點盡安仁髩拚滿幅春詞泰灰同燼縱然
墨淡還有啼紅堪認况如今苔花小箋誓成烏鰂猶隱隱
最難忌梅月朦朧不耐施脂粉

乙卯元夕柬雲臣竹逸竹虛

今歲元宵禁晴架雨裝陰做靄嫦娥何處盼斷一天冰彩
徧春城街泥未消蕙花梅萼徒瀟灑筭六街寂靜火蛾罷
鬧紫姑停賽窗外閒愁大笑冷淡光陰歲華虛賣悄悄
坊曲殘雪慊慊還在記當初小市夜橋月明笑語春如海
歎如今只有東風乍小吹燈帶

本意閨情

蠻字牆兒冰紋榻子謝娘三徑烏龍怕睡吹煞翠梧桐影
蔚藍天一派鴈程年年耽悞蕭關信又棲鴉關過誰家玉
笛叫西樓暝愁聽商飈勁便黑了一燈喚人誰應銀鴨
嬌愁還泥薰籠偎並卸蜜簪劃月闌干峭寒陡覺秋夜丙
伴黃花且熨紅綿冬釭應倍冷

雪

金陵作

瑟瑟泠泠漫天攪地洒窗淋戶旅情難受理煞也無頭緒
拚和他瓊瑤亂拋風前都學梨花舞筭侯門戚里酩酊獸
炭幾家笑語知否此間路是金粉關河最消魂處幾多
舊事總被六花飄去想外邊白徧長干依然玉做南朝樹
惹江船商婦琵琶水上訴愁苦

金菊對芙蓉

禹州使院作

雍氏亭空大駟山老一鞭裊盡斜暉正荒城苔繡古驛花
欹行人說是王孫第悵金牀玉几都非巡簷背手誰人憐
我情緒如絲此意枕簟應知其殘釭青穗伴我題詩歎
星移物換種種淒其不如且向東門外好悲歌聶政墳西
明當竟去頻斟濁酒細拂橫碑

禹州城東門外
三里有聶政墓

姜學在自宛陵掃墓歸停舟過訪卽送其返吳門
語轉渾烟櫓鳴溪翠他鄉上冢人歸恰停桅在叩竹下雙
扉相逢暗惹平生恨西州路事與心違羊曇已老數行情
淚彈上君衣追感尊公如農先生也此去帆影霏霏正茂苑蓮紅
笠澤魚肥歎吳中今歲刈獲全稀賃春薄俗防人面梁木
萎門戶凋微憐君歸去乳魚軒下悵煞斜暉

送楊亭玉學博之任江浦和梁棠村先生韻

棠邑名城秣陵劇縣鮑堂坐對晴秋正人家夾岸雲物當
樓扶風絳帳生徒盛環講舍錦瑟紅篝圖書四部才華六
代冠冕南州 卷書暫爾淹畱恰曲唱樽前纜繫沙頭吟
離亭霜葉黃重丹矧之官一水携家便喜烟江乍穩陽侯
別來錦字好尋雙鯉頻派中流

訪單縣琴臺

邑爲宓子賤巫馬期
舊治臺有二賢祠

古樹雲平荒臺湍激兩賢留下祠堂見珠絲網院馬莧園
牆承塵書壁昏於夢千年事陳蹟蒼涼江南游子無聊側
帽有恨循廊迤邐漸下牛羊響落木西風颯沓層岡悵
琴聲未杳蘋藻誰將擬尋北地韓陵石呼來語相伴他鄉
那堪斷碣摩挲已徧一笑斜陽

九日牧仲招同山蔚振衣樓登高填詞惜別卽次
來韻奉酬

楚客有言悲哉氣也君家原不宜秋况帆停江上人倚樓
頭菊英亦管人離別寒柳綿打塊成毬那堪筵畔輕敲檀
板緩節秦謳歎昔幕府風流美落帽中原戲馬高丘更
一時參佐千載英游吾衰詎有風雲想筭不如巖岫清幽

從茲歸去筆床茶竈到處淹留

又次前韻酬別山蔚

鬱鬱中原蕭蕭老髯不如歸弄晴秋記數間茅屋罨畫東
頭每當月吐長溪口水明夜雪鏡冰毬幾村風葉半灣烟
渚牧唱樵謳好趣淦淦寒流去窈窕崎嶇歷壑經丘只
離情還戀梁苑朋游他鄉老輩如君少新詩句兀杲空幽
一樽尚煖片帆聊卸暫爲君留

舟行遇大風仍用前韻

雲浪蹴吟布帆鴟叫西風削碎晴秋看綠平楚尾翠入吳
頭盤渦急湍孤光陷鑄一點暘谷金毬柁樓長嘯汜人脩
難海若供謳十載萍梗飄流只賃廡臯橋賣餅安丘喜
今朝尻馬彷彿天游水雲混混粘無極真欲犯碧落空幽

只憐今夜瓊宮高處清冷難留

舟中有示仍用前韻

泛泛清娛迢迢樊素相隨單舸高秋學水雲一色浮渲梳
頭包山此去千峯橘高低綴耀日霜毳三更水面吳娘櫓
響一片清謳聊復映月乘流休袖倚滄江回望商丘認
烟蓬雨翳故國清游簾紋雙穩鴉鵲睡君莫管夜色幽幽
祇愁商婦隔船低唱玉樹鵲留

過侯敷文村居留贈仍用前韻

紫艷牽裾紅香撲帽手編花鳥陽秋有佳兒膝下少婦樓
頭紅欄粉壁吳船樣明櫺外蜂蝶成毬有時月上前塢送
到收笛樵謳一任金犢如流笑昔日金張一半荒丘且
芑鞋野服散誕優游栽花曬藥攤書外無剝啄人境雙幽

但逢酒熟恰當花放我到還留

舟次漸近江南仍用前韻

或抱琴書或攜粉鏡平分畫舫清秋過女兒浦口新婦磯
頭秋光澄湛明於雪映水上茜帳銀毬敲針稚子臨風把
釣學唱吳謳 依舊滾滾江流還半下吳門半繞巴丘只
江東麋鹿幾度來游遲歸沙鳥應相笑他鄉景有甚清幽
黃花開過紫螯賣過誰把君留

南歸前一日侯氏堂中觀演西廂記七年前余初
至梁園仲衡爲我張筵合樂卽此地也撫今追
昔不禁人琴之感詞以寄懷兼呈叔岱仍用前
韻

繡轂釵車酒旗戲鼓月明初浸延秋喚教坊全部雜農高

頭一聲南內消魂曲風乍定燈裊紅毬幾層簾幙一群鶯
燕妙舞嬌謳 可惜四節如流背畫檻低吟華屋山丘悵
朱門舊宅紅粉前游光陰負我堂堂去空遺下庭砌清幽
聞干醉拍鴻飛雪爪往事難留

惠山夜飲坐有姬人同園次仍用蝶庵詞韻

姬姓趙嚴

州人

人比花嬌姓堪絲繡問名云杜家秋且餅煎寒具鱸切槎
頭相逢滿酌梨花京款場鬧打馬拋毬忌憂館後水明樓
上妙轉輕謳 酒罷暗訴飄流說家本嚴灘門枕丹丘奈
兵來鴈落烽接龍游琵琶彈入思歸調助空山落葉聲幽
江山如許英雄難覓舊日婆留

花犯

又一體

咏浩然堂後池上白山茶用周美成梅花韻

對西風亭亭一樹箇儂好風味和烟和月也無人憐惜不
勝清麗水晶簾額深深倚天寒私自喜似小玉夜長無伴
上床鋪粉被珠窗一層障疎花似無還似有共人憔悴
愁殺是青霜輕墜記一種紅顏窈窕曾開在三春臺榭裏
只薄命年年流落秋天涼著水

迦陵詞全集卷十六終

迦陵詞全集卷十七

宜興陳維崧其年著

和州戴本孝務旃

涇陽任璣詒庵

宛平米漢雯紫來

崑山葉一鵬萬九

三姝媚

寄遠用梅溪詞韻

柳線吹碧瓦記纔傾別酒泪同鉛灑低拍蕭娘等吳楓紅
了再來簾下詎料而今折挫煞游梁司馬辜負伊家啼上
瓊簪麝湮綃袂况是關河旅夜數長短更聲甚時方罷
斜壓紅綃曾化爲珊瑚此歡無價恰又平明好夢與釭花

弟

維岳緯雲

泰閱

宗石子萬

男履端

校

姪賜薛

都謝擬倩錦箋論恨慊慊難寫

紀半塘所見同緯雲弟次山姪用湘瑟詞韻

重來偏寂寂
筭疎闌輕塵粉
纖曾拭雨雨
雛鬟記茜衫
小露水邊門
側弄影凝粧
誰耐理綉床
刀尺閒盼山
塘細犢金輿
往來得得再
向橋陰繫席
只半艇烟昏
千簷雨滴此
際蘭閨定雙
擁金鳬換吹
鈿笛眼底吳
娃枉自詡嬌
紅賦白其奈
又經過處斷
無消息

萬年懽

贈朱子猶先生七十次朱致一原韻

碧海青天歎橫江下瀨樓橋非昨
貝闕龍堂彈指綃宮乾却
槍臥綠沉休拓任半世鳳飄鷺泊
閒排纂世史長編朱黃綢界疆索
菰蘆景畧誰知向窗前諷咀肆上
丸藥老

興淋漓一笑人間輕薄身亦北山猿鶴只一語臨風相託
噯渭水好把綸竿藏舟且付春壑

壽毛卓人

猿鶴相聞說先生今歲正滿花甲又值秋晴門外金風颭
楓鶴背朝元薄醉笑人世滄桑一霎游仙倦暫潤紅塵何
妨傭保相雜 當初竹林贈答記分携阮屐爭荷伶鍾詎
料栖烏別後繞枝三匝誰識開元舊事只除是碧簫紅璫
君須醉莫負黃花糟床琥珀新壓

解語花

咏美人捧茶和王元美韻

藉馬屏風雛鶯庭院竹下茶聲細粧樓小倚闌干外汲取
春流淺試乳花銀蕙烟裊上綠鬟千縷溜橫波鑪火初紅

儘帶嬌憨意 捧處輕搖蟬髻問阿誰年少消受纖指珠
鮮玉脆語笑處故惹檀郎驚起沉香亭婢只領畧凝酥佳
麗怎如伊生小江南偏解旗槍味

咏美人捧觴和王元美韻

楚天那色吳地鶯聲惹得愁千斛春衣慢曠且泥他粉白
斟來蟻綠蓮鈎小感行過了銀屏六曲嬋烟鬢縹色杯輕
帳裡圍頰玉 笑顫流蘇影簇怪伴醒不醒罰依金谷玉
郎低囑沉醉也休作難人題目芳心暗逐羨杯底鴛鴦同
宿趁花酣雙抱紅篝圖取春眠足

吳靜安姑丈堂中閩闌盛開約同人過賞時有二
校書在座

玉堂窈窕珍簋虛無細壓真珠榨蘿陰石罈隨風皺一帶

迴廊曲榭暗中香
瀉列翠盎輕扶紅架
羨高情楚晚湘潭
助幽人消夏
萬朵珠承雪亞更花
邊淺立人比姑射鬢
彈低卸微嗅處不數
海天冰麝裏求盈把
總堪佳竹房茶
含倩繁絃併鼓
荷蘭將晚涼亂惹

鳴高弟昔年曾與一
年少爲狎游昨偶遇
市上而此年少已不
復相識歸而悵然因
記昔年都下緯雲弟
曾宿一北里某家明
日拉余暨魯望跡之
而此伎驚問誰何亦
漫不相記憶與此事
絕相類因作此詞用
調鳴高他日緯雲見
此定復一軒渠也

柳花似夢鶯語初圓
人遇章臺下舊愁縈
惹記曾與宛轉風軒
水榭金丸拋灑伴不
認隔年司馬恨無情
惆悵歸來

擬碎揉花打 因記杜陵元夜有春衣醉宿肌沾冰麝重
來繫馬誰提起昨夜月中私話揚州夢假煩寄語嬉游小
謝任盈盈露井倡桃向粉箋休寫

渡江雲

江南憶同雲臣和蓮庵先生韻

江豚翻碧浪憑高極望折戟半沉沙鷄籠山下路記得鳳
城數十萬人家貂蟬掩映鐘山翠疊鼓鳴笳更參差青溪
紅板從古說繁華 堪嗟齊臺梁苑殘月微風剩頽牆敗
瓦祇蒼涼半林楓櫺四壁龍蛇幾番夜向寒潮泊空城下
浪打兼葭青衫濕隔船同訴天涯

揚州感舊追悼西樵荔裳伯額介夫諸先生并懷

阮亭豹人穆倩定九舟次無言諸公

揚州何限好無情
江水送去渺天涯
風流推宋玉更有烏
衣門第舊瑯琊
珠簾壁月寶徒盛
多少繁華記當年
水樓烟郭滿地采蓮娃
傷嗟一城畫鼓兩岸紅燈共萬家
鴛瓦都付與風彫菰米浪打蘋花
牧之已老青樓換重經過
帽側簷斜風定處隔江隱隱琵琶

送葉道子之任臨清守府

一鞭飛錦繖鳳城南去紅杏着花初建牙
男子事千騎東方送爾上頭居
碧油幢捲碾輕車小獵平蕪風流甚茸茸
綠草淺映綉螭弧愁予庾郎善賦江令工
文任憑陵今古總輸與軍中陶侃江上周瑜
何時玉靶元戎隊劈黃獐
爛醉醃酥毛錐子問伊直一錢無

送蔣京少下第游楚次儲廣期原韻

向長安市上仰天長嘯悔殺彩爲毫月明無賴極又招征
南萬將赤霜袍掉頭仍向瀟湘去去採離騷筭襄樊幾般
往事一半屬孫曹舟搖天低滴黛竹瘦凝斑任崖傾峽
倒恨茫茫一軍鐵甲九派銀濤潯陽夜火黃州雪應爲我
徙倚無聊吾衰矣漫勞送上雲霄

欲雪

碧翁將試手趁春未到要放一城花關河都凍紫風慘雲
昏冷色走龍沙籠窗撥火料寒威來早還加簾櫳外未曾
飄瞥吟興已無涯山家當年此日枯柳疎鴉小柴門入
畫恰又是梅邊渡暝鴈底航斜玉塵休擬簾纖舞念有人
新在京華凝盼處預愁綠蟻難賒

絳都春

乙巳元夜

春宵三五正碧雲合處冰輪斜挂暗省年光漫數韶華偏
沾惹平生舊事都忘也難忘是鳳城鴛瓦無燈無火有花
有月偶然吟寫 此夜追歡買笑有天街似水暗塵隨馬
詎料而今幾陣東風譙樓下吹去了香車羅帕春衣卸思
量如乍且尋故老開元月明閒話

念奴嬌

雲間陳徵君有題余家遠閣一闕秋日登樓不勝
蔓草零烟之感因倚聲和之

得憐堂後有丹樓飛起當年爭羨陽夏門庭能咏絮那更
溪山葱蒨帶雨房櫺和烟簾幙零亂東湖面碧闌干裡有
人斜映瓊扇 可惜人去匆匆而今樓下秋水帆如箭老

我三吳好男子綠鬢忽然衰賤蔓草霜濃叢祠露悄白晝
颼颼現舍南舍北亂飛王謝家燕

附錄肩公先生原詞

陳定生建遠閣以娛 宮保公寄此題之

白頭宮保學東坡老子盤桓陽羨登閣携兒同眺遠點
點峯巒葱蒨玉女烟橫銅官雪霽濃淡開生面誰拈畫
筆荆溪圖在紈扇 歎息周處英雄斬蛟射虎背劒腰
弓箭俠氣干霄人不見變作椎埋下賤雨驟風偃狂靈
休歇畢竟青天現闌干倚遍雕梁閒話雙燕

與任青際飲

乾坤颼颼且沽將楓葉細評今昔笑問幽州今夜雪可似
鷗裘寒色市上吹簫橋頭賣醬淚灑吳楓赤蘇貂空黑謝

郎今已破賊 不如冶葉倡條青樓白社磨滅人年月滯
盡并刀悲壯血看有何人憐惜白草關河黃沙唐宋只對
孤鴻說醉澆三國周郎江岸千尺

題顧螺舟小影

如此佳人是王家養炬謝家過末三世貂蟬連北闕年少
東華釋褐傳粉宮前薰香殿側顧盼真英發臨春結綺舊
游似有瓜葛而今零落堪憐文園多病羸得相如渴滿
目關河愁恨極衰草濃烟塗抹醉矣堪呵灰兮可溺田也
供人奪苙苙哀樂四條絃子空撥

緯雲弟三十作此詞因和其韻同半雪賦

醉拍闌干歎去者苦多光陰倏忽知我平生悲憤事惟有
當頭明月准擬騎鯨不然射虎一吐胸中鬱吳鉤負汝好

將衫袖頻拂 追想紅燭呼盧青樓賭酒往事推華閨小
季已稱三十歲何況暮年黃歇斜閣秦箏橫攤越絕燒盡
爐中拙憑高遠望江流一縷如髮

送子萬弟携五弟之睢陽并令二弟三弟四弟同
和他日一展齊紈便成聚首也

悲哉秋也况登山臨水黯然欲別千里長江流夜月萬里
長城空潤白板船開青楓樹老極目徒悲切君歸梁苑漢
家何限陵闕 疇昔讓棗推梨謝家兄弟才氣人爭說一
夜西風吹蒼莽吹散封胡遏末兄作楚囚弟成秦贅枕上
鵲啼血阿龍超甚教他長誦明發

阿龍五弟小名時
同四弟在睢陽

附和韻

維嶺

故園兄弟正秋冬之際殊難爲別幾陣西風吹鴈冷日

我快作臨風弄唾壺缺盡狂歌亂擊春甕

咏玫瑰花

陡驚春去等風光此際又逢櫻笋拂曉謝娘簾閣畔忽逗
賣花聲韻籃底氤氲擔頭狼籍紫艷濃香噴佳人競撚看
來和露尤俊 最愛別樣心情天然梳掠偏厭紅英襯揉
得花魂魂盡碎另作一番安頓焙入衾窩薰歸裙縫細細
調紅粉玉郎不覺錯疑戴向雲鬟

八月初七夜對月呈李湘北太史

帝城今夜正萬家齊看一鉤新月照過龍樓和鳳苑來照
盈顛華髮冷露初零清輝未滿玉宇都清切六街香霧也
知絲管難歇 最是太液詞臣金閨才子對景偏軒轅退
直玉鞭搖闕下鴛瓦一時堆雪白可騎鯨廣能射虎醉擊

珊瑚折料應相念有人孤館愁絕

初八夜對月飲紀伯紫處士寓

揮杯一笑恰舉頭又見昨宵明月如此清光兼老伴遺恨
真無毫髮蓮子輕拋嬾婆細撈慢取橙盞切風前倚幌滿
城曉角初歇 可惜萬事蹉跎半生偏側難得胸懷豁誰
把銀河墜下瀉快作西山積雪感極關河愁深砧杵一寸
心俱折爲渾脫舞乃公直是奇絕

初九夜對月飲吳默巖太史寓齋

中宵狂叫憶曹公有語明明如月更記謫仙當日句明鏡
三千白髮入洛年非游燕才盡幸舍歌辛切空墻老驥歎
霜猛氣難歇 詎料宣武門前長椿寺側竟見秋堂豁更
借一尊桑落酒光汎素蘂飄雪一片鄉心三更鴈叫撝肥

刀環折角鷹刷羽脫鞬固是橫絕

初十夜對月同山右吳天章中州彭中郎吳門周子似章素文飲汪鈍庵戶部寓廬

虎丘石上記曾經看過幾場秋月錦隊花城渾不夜一縷歌喉如髮此際他鄉故人對酒一倍關情切爲歡休晚中原軍鼓初歇漸覺帝闕寒生天街露悄醉把雙眸豁地界袁曹多戰鬼危語頭鬢成雪上句彭中郎詩蕭瑟西風淒涼北里鴈柱箏都折霜螯飽噉不知前路愁絕

十一夜黑窪厰對月龔芝麓先生招陪諸公送董玉虬侍御之任秦中

董公徙者到秦川正看秦時明月立馬灞陵橋上望極目應添白髮馳道雲埋重關日落金鐵爭摩切忼慨懷古西

風颯颯難歇 今夜客餞青門馬嘶珠絡好遣離愁豁高
處憑闌飛火樹光映鳳城如雪暫領河湟旋朝京闕丹檻
看重折木皮嶺上鴈書休使稀絕

十二夜對月戲柬劉公敷吏部時吏部新納姬

今宵閒想問誰家畫閣一雙人月細把朝衫薰葢蔻徐綰
八盤玄髮人有琴心家居穎尾風調偏親切紅窗爾汝夜
闌一倍難歇 爲語十二樓中金風初厲莫任瓊扉豁遙
憶掃眉驅使處茉莉萬枝香雪天與貂蟬地多金粉笑揀
名花折獨憐銀漢有人擣藥愁絕

時公敷舊
姬方臥疾

十三夜大宗伯王敬哉先生招飲是夜無月

先生語我正一生消受帝城烟月紅燭短時橫笛噉夜雨
聞元白髮霜咽遺弓風懷內苑畫角聲酸切

先生時述
世祖遺事

盤承露淚如鉛水不歇 曾記梧杜笙簫長楊刀箭從獵
霜林豁父子一時連上相印紐銀螭臥雪別墅初成淮淝
已捷屐齒何曾折談深酒冷藜藜街鼓將絕

十四夜對月同王阮亭員外

三更以後碧天剛碾上一輪圓月嬌女故園應學毋宛轉
畫眉梳髮古巷蛩吟小窗鴈語觸景成悲切南飛烏鵲繞
枝何處棲歇 我欲吹裂玉簫拓殘金戟小把愁腸豁生
不神仙兼將相負此秋光堆雪燈下吳鉤腰間寶玦拉雜
都摧折明當竟去終南聞道奇絕

十五夜宋蓼天太史招飲以雨不克赴少頃月出

同緯雲魯望兩弟暨曼殊小飲寺寓

吾生萬事沉思遍都似今宵之月只到圓時期便左揉得

愁成亂髮此夜西園故人東閣遲我情偏切衝泥無計車
輪腹轉難歇少頃皓魄東升海天一碧世界都軒豁燕
市且須謀一醉難得銅街潑雪絲竹顛狂弟兄歌叱碎拘
金鞭折知他何處笛聲縷縷淒絕

十六夜對月呈孫北海先生

浩歌被酒喜舉頭仍見昨宵圓月遙憶高齋歌猛虎劍氣
綠人毛髮老子龍頭細書蠅尾玉試昆吾切隗囂舊物土
花千載難歇更有粉壁波濤牙籤蚪蚪攤几供披豁吟
健左車能決肉日榻黃州快雪餘子紛綸是翁矍鑠有角
真堪折南樓高興依稀清嘯將絕

看山如讀畫讀畫似看山爲周樸園先生賦月曹

顧庵韻

青天粉本是五丁所鑿自然圖畫我識天公矜慎極吮筆
幾會輕下晴際添螺昏時使墨茜向朝霞借烟絲雨髮直
教染岱烘華我欲地縮千山袖携五岳點綴開亭榭一

幅橫披供眺望便可於中耕稼非畫非山是看是讀饒舌

都教罷一身冷翠此間三伏無夏

看山如讀書

平生癖愛是荆關老手最紛披處狂叫墨花都發響認作
畫師奇句比以漢書掛來牛角讀入前村去千迴不厭直
疑聲振毫素回想老子籃輿好天筍屐曾到層山路今
日明窗懸幅幅一樣晴鬟堪數峽角將崩雲根欲活丘壑
胸中具更憐着色崖邊碎點紅樹

讀書似看山

鉅鹿道中作

雄關上郡看城根削鐵土花埋鏃十月悲風如箭叫此地

曾稱鉅鹿白浪轟厓黃沙蒼莽霜蝕田夫屋車中新婦任
嘲脾裡生肉太息張耳陳餘當年刎頸末路相傾覆長
笑何須論舊事泚水依然微綠欲倩燕姬低彈趙瑟一醉
生平足并陘日暮亂鴉啼入枯木

鄴中懷古

滏陽南去望鄴城一帶逼人愁思記得群雄爭割據健者
曹家吉利公子綵毫佳人繡瓦快意當如是漳河鳴咽至
今猶染紅淚猶憶秋夏讀書春冬射獵泥水譙南地轉
眼寒烟縈戰壘耿耿還留霸氣賀六渾來韓擒虎去苑樹
都如薺論人成敗世間何限餘子

題季端木小影

丹青一幅是西湖好手戴蒼之筆年少者誰真秀絕不讓

王家摩詰綉虎清才食牛奇氣刷羽霜空失科頭箕踞襟
情一往蕭瑟 寄語莫賸羅囊人身似爾頭地終須出安
得畫師乘快墨并寫騅駟十匹歷塊過都塋燕秣越此事
爲君必若翁大笑看君長繞吟膝

紅橋園亭讌集限韻

時有魚鮫書在座

霜紅露白借城南佳處一餐秋菊更值群公聯袂到來巷
雕鞍綉軸一抹紅霞三分明月此景揚州獨揮杯自笑吾
生長是碌碌 且喜絕代娥媼玄機姊姒風致偏妍淑惱
亂雲鬟多刺史何况閒愁似僕小逗琴心輕翻簾額一任
顛毛禿倚闌吟眺雲鱗墳起如屋

讀顧庵先生新詞兼酬贈什卽次原韻

老顛欲裂看盤空硬句蒼然十幅誰拍袁絢鐵綽板洗淨

琵琶塲屋擊物無聲殺人如草筆掃魏毫秃較量詞品稼
軒白石山谷 記得戲馬長楊割鮮下杜天笑溫堪掬玉
靶用弓雲外響捎動離宮花木銀海鳥飛銅池鯨舞月照
孤臣獨江潭遺老一聲寒噴霜竹

送朱近修還海昌并懷丁飛濤之白下宋旣庭返

吳門仍用顧庵韻

住爲佳耳問先生何事急裝趨肅曾在竹西園子裡狼籍
釵微釧逐別酒紅擎離帆綠飽人上蘭舟宿君行烟裡吳
山螺髻新沐 可惜世事匆匆陡然方寸起岡巒陵麓誰
倩石尤吹鷁轉并轉丁儀宋玉無數狂奴一群蕩子屯守
倡家居此情莫遂悄然熟視楓菊

被酒呈荔裳顧庵西樵三公并示豹人孝威梅岑

舟次方鄴希韓女受散木諸子仍用原韻

僕何爲者是東吳愁客最能擊筑記得阿奴年少日曾直
高人品目甚矣吾衰時乎不再二語那堪讀朱門列戟此
中何限樂肉幸遇袞袞群公憐而召我共看東籬菊我
意亦思歸去耳聊葺溪干破屋行乞歌場爲傭屠肆也覓
三餐粥安能豁刻矯廉長效孤竹

紅橋倡和集成索李研齋序孫介夫記作詞奉柬
并呈冒巢民先生仍用顧庵韻

夔門蜀棧是史家粉本先生所獨更有孫樵雄且健暗裡
漢書能覆二老縱橫兩篇記序並逐中原鹿古文奇字他
人恐不能讀直可抵安會王激昂韓柳揖歐陽永叔我
與涪溪曾有約采入文抄篇幅細寫千行高吟百遍音響

崩崖屋遇當佳處澆之苦茗芳菊

贈阿秀并呈西樵

晚風迴處忽簾開影露髻烟微綠驀地見人猶掩歛裙與
闌干爭曲縈損紅巾撥殘錦瑟頓惹愁千斛客來休入請
看門外金犢漸覺殘內鱗皺箒邊鴨瘦魴事卿須錄生
世諸逢王吏部繡佛還工惜玉愛爾嬌憨嗔人拘管接碎
釵兒菊晚攜素手碧天雨過初沐

曹顧庵王西樵鄧孝威沈方鄴汪舟次季希韓李
雲田兄散木皆有送予歸陽羨詞作此留別

此諸公者乃狂歌未已離歌又促僕本恨人臣已老怕聽
將歸絲竹振施秋空發船月夜濁浪堆銀屋我行去作荆
南山下樵牧被酒膝席相呼人生長聚那得同麋鹿

伯邦輪愁鬼厚只是與人追逐天若有情地如埋恨此會何難續他時念我杜陵男子蕭育

送沈方鄴還宣城兼懷唐耕陽施愚山梅子長同

西樵用孝威韻

歸兮何暮歎風塵經歲迷陽邇曲憶我同君爲狎讌夜夜

彈絲吹竹弟畜余賴人呼沈瘦側帽談公穀

方鄴美須人
顧業春秋

身似此安能仰面看屋

故里才子都官舍人唐老英妙

兼耆宿更有肩吾能愛我客舍綈袍情篤歸見三君雪深

一尺定理尋詩躅尺書好寄江船不乏千斛

延令季滄葦席上送周子似計偕京師

長途迫歲正黃河飛雪焉都沒腹袴縛黃皮雄舞袖那顧

從奴蜩縮祈翫屠門射雕塞上生啖黃獐肉看君意氣直

成勇過賁育 况是歷落盤龍風流公瑾海內標名目此
去長安聲價重定壓庾徐潘陸愧我牢騷借人杯炙送汝
登華軸慈恩題罷歸鞭春晝須速

廣陵客夜却憶吳門同吳梅村先生暨葉詵庵盛
珍示王維夏崔不雕李西澗范龍仙王升吉飲
錢宮聲宅時有新鳳賴鳳二校書在座

月之十八記諸公共飲錢郎書屋祭酒能爲解散髻下語
千人都伏東觀名卿南朝才子爭舉觴相屬莫愁更鼓任
他燒短紅燭 何意尊合杯闌一雙么鳳齊注橫波目假
使客中皆此夜詎羨八州之督上客如風佳人似雨薄命
余同鞠鞠兮惜汝一生長被人蹴

李滄葦宅夜看歌姬演劇卽席成詞并示張天任

因元五丹九儀戴弘慶季孚公希韓咸季李三

友朱石鐘諸子

吾生詎料也曾經親聽諸姨法曲非月非烟非霧雨非肉
非絲非竹不易描摹最難忘記耿耿縈心目依稀梁畔暗
塵飛墮千斛 昨者我渡江來正沙深月冷浪花堆簇飢
腸餒鼓渾不怕我有聽歌奇福拍到殘時人將散處樂往
傷幽獨重逢難必岸巾且吸船玉

重過廣陵同王西樵孫介夫夜話卽宿西樵寓中
登車一歎歎羊裘已破朔風如鏃枉道那辭三百里爲與
瑯琊情熟却遇興公鏗然屐響也過東頭屋三人相對寒
燈淡暈生綠 少頃客去余留王公呼我大被從君宿睡
說三冬岐路事起坐何煩頻蹴綿定奇溫居殊不易握粟

憑誰卜車中霜滿夜寒私語童僕

寄董玉虬侍御秦中

黑窰秋夜記臨風痛飲黯然言別我去汴城君繡嶺一樣
前朝陵闕麥積山高木皮嶺滑度隴何須怯漢家節使天
邊鏡吹不絕且自擲帽狂呼繞床大叫盧采輪誰啜莫
聽渭橋嗚咽水殘了秦時明月鑿空音孔張騫總兵鄧艾此
事真人物驪山山下料應紅樹如血

汝南七夕病中排悶

誰家砧杵趙中原秋夜碧來如此何況今宵逢七夕天上
鵲橋成矣人說黃姑貰錢營室捱盡愁滋味可憐阿堵神
仙亦被驅使我笑此語荒唐古今稗史誰是誰非是翻
怪頻年瓜果隔洞我婦人女子僕病未能吾衰詎憊晒腹

爲佳耳汝南城下月明何限殘壘

半雪弟四十詞以贈之卽次其自壽原韻

推梨讓棗記弟兄幼小講堂嬉戲暇則讀書兼擊劍不識
世間程李捫蝨雄談屠龍絕技豁達饒奇計旁人嘖嘖陳
家郎差足矣詎料輾轉半生蹉跎萬事不稱男兒志從
古多才人失路蕩子酒徒而已白髮無根青衫有鬼兀坐
愁城裡還勝飲否飲時盞與重洗

鄴城感懷寄緯雲弟都下

漳河南下被浪花打散鄴宮遺事總是英雄兒女恨釀就
千年霸氣馮淑妃來慕容廆去誰問他曹魏銅臺綉瓦至
今換作殘壘白頭來到中原吳鉤醉舞不耐濤聲沸春
鴈成行都北往謂緯雲子萬只剩離鴻一對一滯吳關謂半一雪

留趙郡

自謂也

夜冷那能睡闌干拍遍凄然長念阿緯

迦陵詞全集卷十七終